


BUWERUMMER

KERLE



1985

Bubenheimer Kerwe 1985

Jetzt so in emol all schäh still,
un horschen zu, was ich eich vezehle will.

Ich steh do howwe zum erschtemol,
doch ich muß saa, ich fiehl mich gonz wohl.

Vezehle will ich eich jetzt, was iwwers Johr is bassiert,
ach wonn sich donn de ont oder oner ~~deno~~ geniert.

Mer bringen nur die delikate Sache,
un der, wu heit net dren is, soll froh soi un lache.

Ich her jetzt uff, eich mit denne Sprich zu quäle,
un fong glei o, die Schläg zu vezehle.

Drumm geb mer schnell des Glas eruff,
denn reiß ich moi Gusch noch emol uff.

Die Buewerummer Kerb, sie lewe: "Hoch, hoch, hoch!"

Top, die Wette gilt!

Freitags owends, ihr Leit, ich kann eich sa,
do war mer beim Seyb un hen geschmickt die Kerwewa.

Mer hun geschafft bis es dunkel ^{war is} war,
un donn hun mer uns zu acht in em Spatz soi Entche neugeschla. ^{nois'schweiß}

Mer sin no Haschem uff die Discoparty gefar,
die Schmutzlappe vun dem Entche hun ganz schä Funke geschla.

No paar feuchte Runde
hun mer uns in unser Hall oingefunde.

Dort hun mer donn drei Owegummer getroff,
un hun mit dene paar Schoppe gesoff.

Un wie's so is, oner wollt's net glawe,
daß de Ottil net muß zum Bund atrawe.

Deswe hen se gewett um fünf Stein Bier,
un de Ottil hot donn geholt es beweisende Babier.

Un wie die fünf Stein waren gesoffe,
kummt schon de Weißkopp ageloffe,
un sat zum one: "Ich kann der vezähle,
ich du fer zehn Neie en Stein uff Ex noiquäle!"

Ihr liewe Leit, do hat ich's Malär,
ich kann eich awer sa, der Stein war leer.

Des Bier hot bei dene drei Freunde Kräfte geweckt,
drum hen se es Gerdche zum Dricke geneckt.

Awer beim Dricke dut sich unser Gerdche bewähre,
do wollten se die Sach mit Fingerhokele kläre.

Wie ne des ach wollt net so gelinge,
hen se beschloss, sich homzuschwinge.

Uff omol war de Steini fort,
om Schluß humern gefun uff em Stille Ort.

Dort hot er en Neger in die Ponn gelegt,
do is em uffgefall, es is schun spät.

Drum hot er sich zum Entschluß gerunge,
alle weil werd e Kapp voll Schlof genumme.

Des Wecke war e schweri Sach,
doch mit em Omer Wasser hatten mern schnell wieder wach.

Ich konns eich sa, des war e Nacht,
do hatten mer ganz schä oner druff gemacht.

Doch on ^{absicht} dé Kerb is noch mä bassiert,
drum kriner noch en onere Schlag serviert.

doch devor Kamerad schenk mer nur noch emol oi
es muss ach emol gedrunke soi .

Wie ein Engel das Fliegen lernte

Desjohr im Januar do hot's ^{ausol} geschneet,
do hun sich die Buwerummer arisch gefreet.

Somschdags owends hense zusammengeesse
un hen sich iwwerleet: "Wie kenne mer uns messe?"

Pletzlich kam oner uff die Idee:
"Mer kennen jo moije Schifahre geh!"

Sunndags middags um zwee, do war's soweit,
alle warn se uff de Immesemer Höh zum Start bereit.

Sie sin donn losgebraust mit em morz Zacke,
doch vor allem fer de Gabriel hat des Schifahre so soi Macke.

Des war ach kee Wunner, bei so e Paar Schier,
die warn bestimmt aus em Zwette Weltkriech oder noch friher.

Das do was bassiere muß, des war doch wohl klar,
schunn is de Erzengel in de erscht Kurv klei gradaus gfar.

No dem Sturz hot's ach de Gabriel gerafft,
daß er mit der Technik des Schifahre niemols schafft.

Drum hot sich de Spatz als Schilehrer gebrüstet
un hot de Gabriel zunächscht emol mit e Paar neije Schi ausgerüstet.

De Spatz als guter Schilehrer hot em Engelche klei mol gezeigt,
wie mer rückwärts de Berg enunnerschleicht.

De Gabriel hot des donn vorwärts nogemacht
un is a prompt mim Spatz zusammengekracht.

Es Maul voll Schnee hot er agefang zu spucke:
"Des is mer zu kalt, do bleib ich net hucke!"

Als er de Schnee vun de Klamotte gekloppt,
hot er noch e paar Schoppe Eierwoi gezoppt.

Drum lieber Gabriel, loss der sa:
Ach die Engel kennen's Fliehe monchmol net vertrah.

Der Brand der macht mer's rede schwer

drum geb mer noch emol ebeß se drinke her

Der Kampf mit dem Kater

Ich will jetzt moi Drohung vun vorhin wahr mache,
un bericht eich vum Kerwesomschtag, do henner was zu lache.

Um siwwe wollten mehr zusammekumme,
um donn no Gellem in de Wald zu brumme.

De Spatz kam als onzischer ogeloff,
do hun mer onere noch imm Bett gele un warn besoff.

No einiger Zeit, als koner engetroff, ^{was}
hot sich de Spatz uffgemacht un is zum ~~Weißkopf~~ ^{weißkopf} geloff. _{mir}

Des Wecke is em net geglickt,
drum sin die onere ohne die zwee abgerickt.

Unnerwegs hot de Lebsi e Notdurft vespiert,
un hot die donn glei ach vun de Roll runner ausgefiert.

Im Gellemer Wald akumm
is de Ottil glei mo ins Gebisch gesprung.

Nochdem er hot soi Breckelcher gelacht,
hot er sich zum ~~Bomfalle~~ ^{Bomfalle} uffgemacht.

Dem Kerl war's net gut, ganz ehrlich,
deshalb war fer den es Bämchehacke viel zu gefährlich.

Drum hot er sich donn ach gedenkt,
alleweil werd sich in de Käffer gelet un weitergepennt.

Im Schlofanzug is em des jo net schwergefall,
denn den hat er im vollgsoffene Kopp abehall.

Ach em Lebs soi Kleidung war net so perfekt,
die Fieß hen in zwee veschiedene Socke gesteckt.

Nach getaner Arbeit sin mer ins Gellemer Heisje oigekehrt,
un hun dort Eier mit Speck vezehrt.

Als Aperitif wurden noch e paar Cola-Asbach gereicht,
un mit denne wurden die Eier uffgeweicht.

No paar gute Runde hen mer uns uffgerafft
un uns samt Bämcher no Buwerum geschafft.

Un die Moral vun der Geschicht:
Eier ohne Asbach bringens nicht!

Lebs bevor ich kann weidervezehle
muß ich erst moi kehl noehle

Transportprobleme zu verschiedenen Orten

Zwee altgedieschene Hallegänger wollt's net so glicke,
no de Feierwehriung uffs Hammerhoffescht auszuricke.

Doeh des Laafe no Albsem war'ne gar so zuwider,
drum lossense sich mit eere dicke Ärsch uff zwee Mopedscher nieder.

Die zwee jugendliche Fahrer hatten eer liewi Not,
die sin gestorb bis no Albsem vorneweg siwwe Dod.

In Albsem okum hot de Socke die Blos gedrickt,
doch de Weg uffs Scheißhaus war ganz schee vezwick.

Uff drei Meter seitlich isser oon Meter vorwärtsgedrunge,
un hot dodebei aa noch ganz kräftisch gesunge.

Doch des Fescht war net so no eerm Geschmack geweß,
drum hense ins Linde noch a paar schene Haxe gefreß.

Des war die ^{Koss} Geschicht vum Socke un vum Dick,
die kummen vun de Feierwehriung selten vor 3 Uhr zurick.

Lebsi los mich emol am Schoppe zerre
schunn dut mer noch die Kehl, ausderre

Nächtliche Gedanken eines Sängerknaben

Unser MGV war zum Jubiläum no Niewerumm engelade,
um dort e paar vun soine Liedscher vorzutrage.

Kaum hattense sich do unne zusammegefun,
do warn ehr paar Liedscher aach schun gesung.

Vun dere Singerei kriet mer en schene Brand,
drum nemmen se flugs die Biergläser zur Hand.

Wommer mol so richtisch ofongt mim Bier saufe, des was wohl jeder,
do werds immer schwerer uffzuhere un de Owend immer später.

Des dut sich oner vun dene Gesangesgenosse denke
un vesäumt dodebei aach net, sich kräftisch einzuschenke.

Doch mit de Zeit hatten die Niewerummer die Faxe dicke,
un hen beschloß, die Buwerummer endlich hom zu schicke.

Wie se donn dehom warn, fallts em Eddi en:
"Ei ich hab jo kon Schlissel, ich kann gar net enenn."

"Moi Fraa se wecke will ich jetzt net riskiere,
die schlaat mich vielleicht zusamme, donn krabbel ich uff alle Viere!"

Vor allem in moim Zustand, do is des so e Sach,
do vehall ich mich lieber friedlich un mach gar kon Krach."

So denkt sich der brave Ehemann,
un macht sich uff de Weg in die Unnergass sodann.

Bei soiner Schwiermutter gedenkt er zu kampiere,
do fiehlt er sich sicher, do kann em nix bassiere.

Doch uffem Weg in die Unnergass hot em donn doch die Ongscht befall,
drum denkt er sich: "Wonn ich die weck, duts vielleicht ach en Knall."

Denndewe hot er sich lieber en Liegestuhl uffgeschla,
hot sich in de Hof schlofe gelegt, do kriet erse weder vun de
Schwiermutter noch vun de Fraa.

Drum lieber Eddi, vun mir en Tip:

Entweder dusche es negschte mol nimmi so viel saufe oder
nemsch doi Fraa glei mit.

Do hosche donn jemand, der de Schlissel ver dich trat,
do brauchsche donn ko Ongscht me se hun, daß se der de Frack veschlat.

~~Die Musik macht jetzt aner druff~~

~~un mer gebsche jetzt noch was se drinke aruff~~

~~aruff~~

~~Die Musik macht jetzt aner druff~~

~~un mer gebsche jetzt noch was se drinke aruff~~

Bei dese Hitz fällt me a
Recht schwer

Drum ge b net nod anoch
was se drinke bis

Der verhinderte Antrieb - oder -
wie Autofahrer zu Fußgängern werden

No manch schwere Trainingsstunde
is es om ziemlich trucke im Munde.

So bleibt mer anschließend noch e bisje hocke
un dut aach einiges zoppe.

Ach beim Kartspiele dut mer sich reize
bis spät in die Nacht noi ohne zu geize.

No etliche Runde is donn soweit,
fers Homgehe do werds Zeit.

Die Autos stehn jo vor de Deer,
do fallt oms Laafe net so schwer.

De Schitz wollt als erschter sojn Wage in Bewegung bringe,
doch des wolltem oifach net gelinge.

De Lui sat zum: "Do konnsche long brobiere,
doi Auto steht jo nimmi uff alle Viere!"

Ach de Alwis is verschrock,
wie er soi Auto sieht uff em Bock.

Mimm Fahre do wars natierlich aus,
jetzt gehts halt per Fuß nach Haus.

Sie hen geschennt, sie hen gedroht:
"Wonn mer die Kerl finnen, die machemer tot!"

Doch donn uffemol isne oigefall
"Heit is jo Mainacht, un die Hexe hen uns zum Narr gehall."

Bevor ich awer mit was onerem weiter mach
will ich eich zwee noch was sa zu dere Sach:

"Ehr warn doch ach emol jinger
un hen gedreht so Dinger;
drumm nemmen den Scherz net so schwer,
kummen halt on de negscht Hexenacht nimmi mim Auto doher!"

~~Damitxixhxichjett~~

Damit ich eich schnellnoch was vortrage kann
losen mich erst noch emol an des Gläsje rann

Der gedi(t)schene Heimwerker

En Bau(h)er(r) aus de Hinnergass hot soi Probleme,
fer die Ozahl vun Betonmischunge es richtische Amos zu nehme.

So wars aach on em schene Owend mol kum,
daß er die letscht Mischung hot nimmi unnergebrung.

Der Schlaumeier hot sich gedenkt:

"Der Beton werd mit em Omer Wasser gut ogelenkt,
do werd des Zeig bestimmt net hart were,
un moje frih schalt ich die Maschin o un lossen weiter schnere."

Om negschte Mojend war de Katzejammer groß,
de Beton war in de Maschin hart wor un geht nimmi los.

Mit Hämmerche! un Meißelche! hotter sich misse bemih,
de Beton widder aus de Maschin raus zu kri.

Die Maurer hatten grad de zwette Kaschte Bier gesoff,
do kummt de Ditsch mit de erscht Mischung ogeloff.

Jetzt erscht konnten die Maurer beginne,
de Beton on de richtische Ort zu bringe.

Drum lieber Freund will ich der jetzt was erkläre:
Du besser owends doi Maschin ausleere,
onstatt dich Dagsdruff zwee Stunn abzuquele,
un doi Leit stehn debei un dun vezehle.

Mundschenk geb mer amol von dem gute Woi
suschtschlof ich uff de Later oi

Schulierung - Wasserentnahme - offenes Gewässer

Om erschte April um 19.00 Uhr
war de Kreisbrandinspektor uff Besichtigungstour.

Uff dere Tour is er aach no Buwerumm kumm
un hot de Feierwehr ehr Iwung abgenumm.

Die Sach mit der Iwung war glei bassiert,
dowurde dem neie Kreisbrandinspektor en Dr. Mambe serviert.

Doch der Dr. Mambe hot gar so gebrennt,
drum soin se zum Lesche in die Hall gerennt.

Die Sauferei alloo hat kon Wert,
drum warn em Lui soi Haxe hochbegehrt.

Zum Esse wurde Bier im schwere Stein gereicht,
awer dodedruff war de Kreisbrandinspektor net so geeicht.

Schun des Hochhewwe hot net so geklappt,
deshalb is ems Bier uff die Hose geschwappt.

Die Hose warn nass, de Stein war leer,
un schon kummt de Räncher mit em Schnuppmaschinche doher.

Er sat zum Inspektor teilnahmsvoll,
daß er mol e Prise schnuppe soll.

Der hot gedenkt: "Mit dem Gerät wollense mich bestimmt veführe,
des soll vorher en onnere ausprobere."

Die onnere warn glei debei
un ziehn sich e Portion ins Hern enoi.

Des war fer den Beweis genug,
drum hotter genumme en diefe Zug.

Wenn ~~Tänzer~~ auf Tour gehn!!!

Om Somschdach owend isses Männerballett un de Coach ins
Akropolis engeloff
un hen dort viel Knobloch gefreß un viel Ouzo gesoff.

So scharfes Esse leit schwer im Maa,
des kann net jeder so vetraa.

Drum soin se nochmol ins Tropic enmarschiert
un hen zum Vedaue die Donzfläch reserviert.

De neie Danzstil vun de Jugend war aach so e Sach,
drum hen se sich ab zu de reifere Medscher gemach.

Doch der Geruch von dem Knobloch is net so betörend
un wirkt beim Amache äußerst störend.

De Socke hot annerleits Zigarette in Besitz genumm
un is dodebei nur knapp um soi Knippel kumm.

Als die Disco hot soi Pforte geschloss,
sinse beim Räncher enmarschiert un hen noch oner noilaafe loss.

Die gonz Sauferei hot beim Tom Müdigkeit erregt,
drum hot er sich zum Schlummer mit em Schnapsglas gelegt.

Nochdem die Frauejäger de Tom hatten wieder wachgerüttelt,
isser uffgestonn un hot sich erscht mo kräftisch geschüttelt.

Gonz veschlof hot er donn uff die Uhr geblickt:
"Um Himmels wille, schon siwwe, ich wer jo verrickt!"

"Ach Gott", denkt de Tom un soi Gesicht erblaßt,
"was mach ich donn jetzt, ich hun jo moin Bus uff die Erwet vebaßt."

Die onnere rufenen noch rechtzeitig zurick:

"Heit is erscht Sunddach, Du musch doch gar net in die Fabrik!"

Donn wars em Tom endlich klar,
daß heit kon Arweitsdach war.

Als de erschte Hahn gekräht hot, hun se sich uffgerafft
un sich samt Aff hom in die Koje geschafft.

Ja so kennen om doch die Fraue de Kopp vedreh,
daß mer schun Sundachs mojens uff die Erwet will geh.

Jetzt geb mer noch emol es Glas mit dem gude Weine

sunscht fang ich do howe noch a se greine

Die drei Muske(1)tiere

Die Hall als Treffpunkt is net schlecht,
do werd ach öfters oner mol gezecht.

De Meier aus Otterschem war ach mol wieder do
un hot gonz -schee oner noigezoh.

Die Leit warn dodefün net so entzückt,
denn der spielt monchmol total verrückt.

Un wie es so is, es warn e paar do,
die warn dodriwer ach noch froh.

Die Sach, die kummt a glei ins Rolle,
un schun wern leer getrunk die Schoße.

Donn kamen die harte Sache an die Reih,
so war de Meier natürlich glei dabei.

Drei Stick hen sich gedenkt: "Den lehn mer jetzt enoi"
un schenken sich selwer nur Kranewasser oi.

No e paar Runde war ^{de Meier} ~~er~~ voll bis owehie,
drum hensens misse aus de Hall nauszieh.

Es war schun spät, er wollts net begreife,
deshalb mußten ihn die onere zu Muttern schleife.

Zwee on de Fieß, zwee on de Händ,
so sinse Richtung Otterschem gerennt.

Sie hen gestumpt, sie hen gezoh,
zum Schluß sin se schier in die Bach gefloh.

Der Kerl hot kenne die Brie nimmi so halle,
die issem donn unnserwegs außem Gesicht gefalle.

Owe raus, une raus, do hattenses Maleer,
so isses donn gong bis korz vor die Deer.

Kaum hattensen ins Bett geschafft, do war de Schrecke groß,
sterzt doch die Meiern uff die drei Helde mim Weljerholz los.

Des Herz war ihne in die Hosse gefall,
so schnell warn se noch nie in de Buwerummer Hall.

Om Schluß wärn noch die drei Schluckspechte se nenne:
De Socke, de Alwis un de Peel werd jo wohl jeder kenne.

Deshalb eer drei, lossen eich des e Lehr soi,
un waachen eich negschdens net so weit no Otterschem enoi.

Setztes Trachtspecht

**So jetzt geb mer noch amol von dem gude Drunk
dann schalte mer arum uff de Buwerumer Werbefunk**

So, ehr Leit, jetzt schalte mer um,
jetzt wern die Anzeiche on de Monn gebrung:

Moped fahre is net schwer,
de ~~fahrende~~ ^{parkende} Autos auszuweiche dogege schon eher.
Unser Sandbahnfahrer kann halt e Moped nimmi so recht dirigiere,
do dut ewe so en klone Ufall schon emol bassiere.

Sandbahn-Fiez

De Hausderschlissel mitzunehme is sehr zu empfehle,
do muß mer sich net immer dorschs Fenschter noiquäle.

Kissinger Senior

Dom aus de Hauptstroß wollts net so gelinge,
soi Auto, ach wonn mer vollgsoff is, uff de rechte Weg zu bringe.
So hotter ach die Sach mit dem Bremse net so kapiert,
un hot ons Setzers Mauer die Eck abrasiert.

Peel

des (Fahnenjungfer)

Suche widerstandsfähigen Schutzhelm,
damit ich wegen herunterfallendem Heu nicht immer unter
die Rolle flüchten muß.

Spatz Senior

Bin als einziger Jungfeierwehrmann noch nicht geeicht.

Uwe Eberhardt

Wer leiht mir für den nächsten Steinwurf ein Zielfernrohr,
damit ich Hunde von Katzen unterscheiden kann.

Hermann Walk

Um auf den neusten Stand der Technik zu kommen,
habe ich meine Feierabendlandwirtschaft motorisiert.

Ottel Senior

Wer baut mir ein Trittbrett,
damit ich beim Aufsteigen aufs Moped nicht immer eine
Mauer suchen muß.

Marion Höhnerbach

Für unsere Abendständchen suchen wir noch einige Weinlieferanten.

Sauter Senior
Schäfer Senior

Schlachtbau
Darf mich jetzt auch zur erlaubten Gilde der
MERCEDES-Fahrer zählen.

Munter

Damit wir abnehmen,
spielen wir täglich Tennis auf unserem Heimcomputer.

Familie
Alfred Ratgeber

En gewisse Prüfling aus de Unnergaß,
der macht sich die Hosse schun vor de Prüfung naß.
Die theoretisch Prüfung issem gonz gut gelung,
doch im Praktische hotter sich beinah umgebrung.
Beim Howeale on de Abricht issems Maleer bassiert,
do hotter sich schier de halbe Finger abrasiert.
Moin lieber Steini, du wersch doch begreife:
En halwe Finger zeugt von handwerklicher Reife.

Steini

Habe mir noch am selben Tag Ersatz für meinen
verlorengegangenen Prügelknaben gesucht.

Gertrud Mack

Suche dringend Gebrauchsanweisung für Sahnespender!

Erzengel Gabriel

Für menschliche Bedürfnisse ist kein Platz im Haus,
drum scheissen mer uns uff em Dietsch soim Neibau aus.

Die Hinnergässer
Wohnkomune

Muß mich schon freiwillig ausziehen,
um von den Mädchen beachtet zu werden.

Fritschi

Um übermäßige Kräfte abzubauen,
habe ich in der Halle zugehauen.

Gunther Helmschrot
(Sauter in spe)

Damit die Hosen wieder passen,
rudere ich auf Wasserstraßen.

Lucki

Wer besorgt mir eine schalldichte Kabine,
damit mich das Quaken der Frösche in meinem
Teich nicht beim Schlafen stört.

Bauer Erwin

Habe wieder einen Doofen gefunden,
den ich beim Knobeln nach Strich und Faden
ausnehmen konnte.

Bohn

WARNUNG!

Würde jedem empfehlen,
bei Feuerwehrrübungen nicht zu duschen,
da mit akutem Wassermangel zu rechnen ist.

Supp

So ehr Leit, des war unser Kerweredd,
un jeder vun de Schlawiner hot jetzt soi Fett.

Wonn sich oner venochlässigt fiehlt,
dem soi Schandtate wern donn awer negschtjohr uffgewiehlt.

Vun denne, wu mer jetzt hun uff die Schipp genumm,
nemmt uns hoffentlich koner die Sach so krumm.

Un denken dro, was fer Erwet es war, fer die Kerweredd
zu recherschiere,
drum dun uns nocher e paar Stein spendiere.

Ehr Leit weichen zurick,
sunscht bringen eich die Scherwe ko Glick.

Und wenn dies Glas in meiner Hand nicht zerbricht,
dann wird die ganze Kerwe nichts.

Die Buwerummer Kerb, sie lewe: "Hoch, hoch, hoch!"